

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 05.12.2023թ. թիվ 2317529077 որոշումն անփոփոխ, իսկ վարչական բողոքն առանց բավարարման թողնելու մասին

<< 13 >> 12 2023թ. 7-13- 12500

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Հայկ Բաբայանի ՄԴ/102094-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Աղբյուր Սերոբ փողոցի 9 շենքի 22 բնակարանի բնակիչ Հայկ Բաբայանը Ճանապարհային ոստիկանությանը հասցեագրած դիմումով խնդրել է վերանայել վարչական տույժ նշանակելու մասին 05.12.2023թ. թիվ 2317529077 որոշումը, համարել մեկ իրավախախտում՝ նշելով, որ նույն հատվածում անտեղյակ լինելով խախտել է ճանապարհային երթևեկության կանոնները և արդեն վճարել է թիվ 2317510244 որոշմամբ նշանակված տուգանքի գումարը:

Դիմումի քննարկման արդյունքում պարզվել է, որ Ճանապարհային ոստիկանության վարչական տույժ նշանակելու մասին 05.12.2023թ. թիվ 2317529077 որոշումը ենթակա է կատարման հետևյալ պատճառաբանությամբ.

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ. թիվ 955-Ն որոշման 51-րդ կետի համաձայն՝ ոչ ռելսագնաց տրանսպորտային միջոցների համար երթևեկության գոտիների քանակը որոշվում է գծանշմամբ և (կամ) 5.15.1՝ «Երթևեկության ուղղությունները գոտիներով», 5.15.2՝ «Երթևեկության ուղղությունները գոտիով», 5.15.7՝ «Երթևեկության ուղղությունը գոտիներով» և 5.15.8 «Գոտիների քանակը» նշաններով, իսկ եթե դրանք բացակայում են, ապա վարորդների կողմից՝ հաշվի առնելով երթևեկելի մասի լայնությունը, տրանսպորտային միջոցների եզրաչափերը և դրանց միջև անհրաժեշտ միջկողային տարածությունը: Մասնավորապես, 5.15.1՝ «Երթևեկության ուղղությունները գոտիներով» ճանապարհային նշանը ցույց է տալիս գոտիների թիվը և երթևեկության թույլատրելի ուղղությունները դրանցից յուրաքանչյուրով:

Ճանապարհային ոստիկանության վարչական տույժ նշանակելու մասին 05.12.2023թ. թիվ 2317529077 որոշման հիմքում դրված տեսանյութը փաստում է, որ 19.11.2023թ. ժամը 10:45-ին <<JEEP>> մակնիշի 77HB770 հաշվառման համարանիշի տրանսպորտային միջոցի վարորդը Երևան քաղաքի Ավետիսյան – Վաղարշյան փողոցների խաչմերուկի հատվածում, որը կահավորված է 5.15.1՝ «Երթևեկության ուղղությունները գոտիներով» ճանապարհային նշանով, միայն ուղիղ թույլատրող երթևեկելի գոտուց կատարել է ձախ շրջադարձ:

Ինչ վերաբերվում է դիմումատուի կողմից նշված այն հանգամանքին, որ նույն արարքը կատարել է մի քանի անգամ և խնդրել է դրանք համարել մեկ իրավախախտում, ապա հարկ է նշել, որ վերջինիս կողմից կատարված իրավախախտումները կատարվել են տարբեր օրերի, ժամերի, ինչի հաշվառմամբ էլ պետք է նշել, որ դրանք տարբեր՝ առանձին-առանձին վարչական վարույթներ են, իսկ Վարչական իրավախախտումների վերաբերյալ ՀՀ օրենսգրքի

35-րդ հոդվածի համաձայն՝ մեկ անձի կողմից երկու կամ ավելի վարչական իրավախախտումներ կատարելու դեպքում վարչական տույժը նշանակվում է յուրաքանչյուր իրավախախտման համար առանձին-առանձին:

Այսպիսով, դիմումատուի արարքում ակնհայտ է Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասի զանցակազմը, հետևաբար վարչական պատասխանատվության ենթարկելու մասին որոշումն իրավաչափ է և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 05.12.2023թ. թիվ 2317529077 որոշումը թողնել անփոփոխ, իսկ վարչական բողոքն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում.
3. Սույն որոշման օրինակն ուղարկել Հայկ Բաբայանին:

Կատարող Ա.Միրզոյան
Հեռ. 060838402



Ն.Սարգսյան